

電 旨

七月十一日奉 旨張人駿電奏悉廣東颶風為災覆沒船隻吹坍民居並傷斃人口多名該省大水之後繼以風災深堪憫惻著該督分飭官紳協力拯救妥為賑撫毋得稍存膜視並將續查情形彙齊奏報欽此

七月十三日奉 旨端方陳夔龍岑春煊會同電奏悉所請將已購之銅儘數開鑄當十當五當二各銅元以維市面而清欠款著度支部速議具奏欽此

七月十四日奉 旨趙爾巽電奏悉所請以王秉恩充駐宜昌鐵路總理洪子祁幫辦路工杜成章管理路款各差著照所請該部知道欽此

七月十五日奉 旨李家駒電奏悉日君所贈該大臣寶星著准其收受佩帶欽此

七月二十二日奉 旨徐世昌唐紹儀電奏悉日皇所贈寶星著准其收受佩帶欽此

七月二十九日奉 旨張人駿電奏悉所請援照江直兩

法令一 電旨 交旨

省成案辦理代收捐及常捐各項著准其開辦一年期滿後即行停止度支部知道欽此
七月三十日奉 旨盛宣懷電奏悉著賞假兩箇月並准其赴日本就醫欽此

交 旨

七月初三日交禁烟大臣溥等 本日貴大臣奏內閣開學士墨麒麟名下填註不合擬行令明白聲覆等語奉 旨知道了欽此

七月初四日交吏部 禮部 軍機大臣面奉 諭旨良揆奏穿孝屆滿懇恩曲賜於全俾安心持服一摺禮部左參議良揆著賞假三箇月假滿後照舊供職欽此

七月初五日交憲政編查館 本日貴館奏考核州縣事實分別勸懲摺單八件又奏考核直省勸業道官制細則酌加增改摺單一件均奉 旨依議欽此

七月初六日交外務部 本日給事中陳田奏滇亂暫平宜選得力大員慎重交涉摺奉 旨外務部知道欽此

五

戊申